




Macroeconomic Unit of the Governing Board of the Indirect Tax Authority


Oma Bilten



broj
број
number **106**

Uz ovaj broj

Mjesec april je donio nastavak pozitivnih trendova iznad svih očekivanja. Prema preliminarnom izvještaju UIO po vrstama prihoda u mjesecu aprilu bruto naplata prihoda je porasla za 11,3%. Međutim, s obzirom da su istovremeno povećane isplate povrata za 26,1% neto naplata prihoda je porasla za 8%. Kumulativni efekti rasta naplaćenih prihoda u periodu januar – april 2014. iznose 105 mil KM ili 7,2% u odnosu na neto kumulativnu naplatu u istom periodu 2013. Grafikon 1 pokazuje snažne mjesečne oscilacije neto naplate i stabilno kretanje kumulativne naplate, mada se primjećuje određeno usporavanje od marta 2014.g.



Grafikon 1

Grafikon 2

Kumulativna neto naplata PDV-a je visoka, premda se primijeti postepeno usporavanje u posljednja dva mjeseca. Ukoliko neto naplatu korigujemo za naplaćene stare dugove rast neto PDV-a za četiri mjeseca sa 6,1% pada na 3,9%. Kao posljedica rasta povrata, koji je dijelom rezultat i promjene carinskog režima kod nekih kompanija, mjesečna neto naplata je u aprilu bila negativna (-3,7%). Snažne oscilacije mjesečne neto naplate su produkt (i) rasta uvoza; (ii) rasta osnovice za PDV (lohn poslovi); (iii) naplate starih dugova, te (iv) rasta povrata. Međutim, zbog sheme vraćanja povrata, efekti promjene carinskog režima, koja je nastupila u januaru 2014., ispoljili su se na neto naplatu tek u martu i aprilu (Grafikon 2).

dr.sc. Dinka Antić
šef Odjeljenja

Sadržaj:

Projekcije prihoda od indirektnih poreza u periodu 2014-2017.g.	2
Konsolidovani izvještaji	17

tehnička obrada : Sulejman Hasanović, IT saradnik
lektor : Darija Komlenović, prof. anglistike

Projekcije prihoda od indirektnih poreza u periodu 2014-2017.g.

PRETPOSTAVKE

Projekcije prihoda od indirektnih poreza za period od 2015. do 2017. godine bazirane su na sljedećim postavkama:

- Prognozama makroekonomskih pokazatelja Direkcije za ekonomsko planiranje (DEP) za pomenuti period;
- Politikama u području indirektnih poreza koje se odnose na primjenu čl. 21 Zakona o akcizama, koji podrazumijeva kontinuirano usklađivanje stopa akciza u BiH sa minimalnim standardima u EU. Projekcije uključuju efekte povećanja posebne akcize na duhan u 2014. godini sa 0,75 na 0,90 KM po pakovanju, kao i planiranog kontinuiranog povećanja iste u 2015. i 2016. za 0,15 KM po pakovanju cigareta;
- Tekućim trendovima u naplati prihoda od indirektnih poreza.

Osnovni scenario projekcija uključuje gore navedene pretpostavke, a programski uključuje i procjenu efekata izmjena Zakona o akcizama vezano za uvođenje diferencirane akcize na pivo i novu akciznu politiku oporezivanja duhana od 1.7.2014.godine i u narednom srednjoročnom periodu.


TEKUĆI TREND OVI NAPLATE

I pored makroekonomskih pokazatelja koji su ukazivali na skroman oporavak ekonomije u BiH protekla 2013.godina je završila sa deficitom prihoda od indirektnih poreza. Početak pada prihoda je zabilježen u četvrtom kvartalu 2012., da bi nastavio rastućim tempom u cijeloj 2013.

Početak 2014. godine je bio obilježen smanjenjem naplate od 2% u odnosu na januar 2013., no, već u februaru zabilježeno je snažno povećanje naplate indirektnih poreza, koje je ne samo anuliralo deficit iz januara, već je donijelo i rast od čak 62 mil KM. Nastavak pozitivnih trendova zabilježen je i u martu 2014. Prema preliminarnom izvještaju UIO po vrstama prihoda u martu 2014. neplaćeno je, po odbitku povrata, 367,5 mil KM ili 4% više nego u istom mjesecu 2013.


U martu je zabilježen snažan rast kod svih glavnih grupa prihoda, što se, zajedno sa pozitivnim kretanjima u februaru, odrazilo i na kumulativnu naplatu u prvom kvartalu 2014. Na nivou kvartala naplaćeno je neto prihoda od indirektnih poreza u visini od 1,146 mlrd KM, što je za 75 mil KM ili 7% više nego u istom kvartalu 2013.g. Kvartalna kretanja ukupne naplate indirektnih poreza ukazuju na izuzetno snažan rast naplate prihoda od indirektnih poreza koji je neuobičajen za prvi kvartal fiskalne godine (Grafikon 1).

Grafikon 1

PDV

Naplata prihoda od indirektnih poreza u prva tri mjeseca 2014.g. obilježio je snažan rast prihoda od PDV-a. Nakon pet kvartala negativnog rasta u prvom kvartalu je zabilježen rast od 8,3% (Grafikon 2).

Grafikon 2



Za razliku od 2013.g., koja je bila karakteristična po visokom i stabilnom rastu PDV-a naplaćenog po prijavama i padu prihoda od PDV-a na uvoz, prvi kvartal 2014.g. je donio suprotne trendove naplate komponenti bruto PDV-a. Naplata PDV-a po prijavama u prvom kvartalu 2014. bila je na nivou prvog kvartala 2013., sa oštrim oscilacijama u februaru (+19,7%) i martu (-14,3%). S obzirom da je, prema informaciji UIO, u prvom kvartalu naplaćen i značajan iznos dugova po osnovu PDV-a može se zaključiti da je naplata tekućih obaveza po osnovu PDV prijave bila


negativna. Na nivou kvartala rast PDV-a na uvoz je iznosio 11,2%. Na rast prihoda od PDV-a je svakako uticao rast uvoza u prvom kvartalu iznad projektovanog rasta za 2014. Neobičajeno velika diskrepanca između rasta uvoza i rasta naplate PDV-a kod uvoza u prvom kvartalu ukazuje na promjenu režima plaćanja uvoznih dažbina kod nekolicine kompanija koje se bave unutrašnjom obradom (lohn poslovi), koje su se umjesto primjene posebnog carinskog postupka, koji je podrazumijevao uvoz sirovina i materijala bez plaćanja PDV-a, odlučile za standardni postupak plaćanja PDV-a koji se primjenjuje na sve ostale obveznike PDV-a. Ukoliko se rast bruto PDV-a u prvom kvartalu 2014. razloži na faktore koji su doprinijeli rastu od 6,6% na nivou kvartala može se zaključiti da je pozitivan efekat imala naplata starih dugova sa 2,1 p.p., rast uvoza sa 3 p.p. i promjena režima obračuna PDV-a i efikasnost naplate 3,3 p.p., dok je negativni efekat imala naplata PDV u zemlji (PDV po prijavama, kazne, ..) u visini od 1,8 p.p.

Promjena načina plaćanja PDV-a je uticala na rast bruto naplate PDV-a, ali je donijela i rast povrata PDV-a, s tim da momentat anuliranja bruto naplate isplatom povrata ovisi o vremenskom razmaku između rokova plaćanja carinskih dažbina i rokova povrata. Prosječna stopa izdvajanja iz bruto PDV-a za isplatu povrata u prvom kvartalu 2014. iznosila je 25%, s tim da je trend rastući, jer je udio povrata u bruto naplati u januaru, februaru i martu iznosio 23,8%, 24% i 27% respektivno. Podaci o značajnom porastu zahtjeva za povrat i porezne kredite ukazuju na mogućnost da efekti rasta PDV-a kod uvoza iz prvog kvartala budu anulirani rastom povrata u drugom kvartalu, ali i u trećem kvartalu 2014., ukoliko se radi o likvidiranju zahtjeva za porezne kredite.

Carine

U prvom kvartalu 2014.g. zabilježeni su pozitivni trendovi u naplati prihoda od carina, prvi put nakon uzastopno devet negativnih kvartala (Grafikon 3). Pozitivna kretanja kod naplate prihoda od carina nazirala su se već u drugoj polovini 2013.g., što se može objasniti uticajem promjene carinskog režima kod uvoza duhana i određenih poljoprivrednih i prehambenih proizvoda nakon ulaska Hrvatske u EU. Drugi razlog za snažan rast prihoda od carina jeste i rast uvoza iz trećih zemalja (Kina) i pomjeranje sheme uvoza nafte (Rusija) u odnosu na shemu uvoza Rafinerije u 2013.g. Prema podacima UIO uvoz iz Kine je u prvom kvartalu 2014. veći za 42,8% u odnosu na isti kvartal 2013, a obračunati prihodi (PDV, carine) su veći za 33,7%.

Grafikon 3




Akcize i putarina

Kvartalna analiza naplate akciza pokazuje rastući trend naplate akciza u prvom kvartalu 2014. u visini od 3,7% nakon dva negativna kvartala. Nakon dubokih poremećaja na tržištu duhana u 2013. u prvom kvartalu 2014. je zabilježen minimalni rast prihoda od akciza na duhan od 1,3% (+2,2 mil KM) i to kod domaćeg rezanog duhana i uvoznih cigareta. Rast je zabilježen i kod derivata nafte od 3,6 mil KM. Rast putarine ne prati rast akciza na derivate zbog izvršenih prebijanja poreznih kredita sa obavezama po osnovu domaćih akciza na derivate. Snažan rast prihoda od akciza je zabilježen na grupaciji alkoholnih i bezalkoholnih pića od 28% ili 4,4 mil KM. Analiza strukture akciza po akciznim proizvodima naplaćenih u prvom kvartalu pokazuje da je enorman rast zabilježen kod akciza na pivo (+54,7%) i akciza na bezalkoholna pića (+23,3%), dok je kod alkohola i alkoholnih pića zabilježen pad od 14,1%. Međutim, imajući u vidu da je u prvom kvartalu naplaćeno 4,5 mil KM dugova po osnovu akciza na pivo stvarni rast tekućih prihoda od akciza na pivo je negativan (-4,5%), dok je rast tekućih ukupnih prihoda od akciza 2,1%.

Tabela 1 Trendovi u naplati akciza i putarine

	I kvartal 2014/ 2013
ukupno duhan	1,3%
duhan uvoz	3,7%
duhan domaći	-3,9%
derivati nafte	4,3%
uvozni	3,2%
domaći	6,0%
kahva	2,4%
alkohol, pivo, vino, alkoholna i bezalkoholna pića	28,0%
putarina	12,3%

Grafikon 4




PROJEKCIJE PRIHODA – OSNOVNI SCENARIO

Osnovni scenario projekcija prihoda od indirektnih poreza prikazan je u Tabeli 2.

2014

Projekcije nominalnog i realnog rasta ekonomije za 2014. godinu su više optimistične nego što su bile za 2013. Projekcija rasta realnog bruto društvenog proizvoda iznosi 2,7%. DEP ovaj porast objašnjava očekivanim rastom izvoza, te jačanjem privatne potrošnje i investicija.



Nasuprot divergentnim trendovima indirektnih poreza i ekonomije u 2013. godini, u prvom kvartalu 2014. godine ostvaren je istosmjerni i to snažniji rast prihoda nego što bi bilo očekivano prema projekcijama makroekonomskih indikatora. Potrebna je opreznost prilikom izvođenja zaključaka, s obzirom da su **projekcije makroekonomskih indikatora izrađene na godišnjem nivou, te da Odjeljenje ne raspolaže njihovim kvartalnim segmentima**. Sa druge strane, jedan dio snažnog rasta prihoda u prvom kvartalu 2014. se može objasniti značajnim iznosima uplata naplaćenih u postupku prinudne naplate po osnovu duga iz prethodnih perioda. Rast naplate starih dugova, koji odstupa od uobičajene sheme naplate dugova po osnovu PDV-a, ima jednokratni efekat na naplatu PDV-a samo u tekućoj godini. Dio rasta bruto PDV-a može se objasniti i pomenutom promjenom režima plaćanja uvoznih dažbina kod nekih kompanija koje se bave lohn poslovima, koja bi mogla anulirati pozitivne efekte iz prvog kvartala rastom povrata u narednom periodu. Konačno, treći faktor rasta bruto naplate PDV-a u prvom kvartalu 2014. je bio snažni uvoz postrojenja i opreme, koji predstavlja samo manji dio planiranog uvoza postrojenja u 2014., u sklopu finalizacije velikih investicija u energetskom sektoru¹. Navedeni rast uvoza može dovesti samo do privremenog porasta bruto naplate PDV-a na mjesečnom nivou, koji će već narednog mjeseca biti neutralisan povratima PDV-a, osim u slučaju snažnijeg uvoza u decembru i prenosa isplate povrata u narednu fiskalnu godinu.

Izvođeci iz navedenog zaključak da je rast neto naplate PDV-a u prvom kvartalu 2014.g. *de facto* umjereniji nego što ukazuju mjesečni izvještaji Odjeljenje očekuje da će se naplata PDV-a u preostala tri kvartala 2014., uključujući i jednokratni efekat naplate dugova, kretati u okvirima

¹ Radi se planiranom uvozu oko 30,000 t postrojenja i opreme za TE Stanari.

projekcija rasta ekonomije i potrošnje, te da će projekcije prihoda od PDV-a u 2014.g. iznositi 3.199,7 mil KM, odnosno 3,1% više nego u 2013.g

Projekcija prihoda od akciza za 2014. godinu iznosi 1.289,5 mil KM, što je za 1,8% više od ostvarenog iznosa u 2013. godini. Najviša stopa rasta projektovana je kod akciza na pivo (zbog efekata naplate dugova iz prethodnog perioda), ali, s obzirom na mali ponder u ukupnim akcizama, ova vrsta prihoda doprinosi apsolutnom rastu akciza² svega 21%. Uprkos skromnoj projektovanoj stopi rasta akciza na duhan, zbog velikog učešća u ukupnim akcizama njihov očekivani porast čini skoro 42% projektovanog apsolutnog rasta akciza u 2014. godini. Projekcija prihoda od carina za 2014. godinu iznosi 220,8 mil KM, a zasnovana je na tekućim trendovima naplate i projekciji rasta uvoza. Prihodi od putarine očekuju se u iznosu od 290,6 mil KM, a njihova projekcija, pored tekućih trendova naplate, uzima u obzir i prognoze relevantnih realnih makroekonomskih pokazatelja. Kategorija „Ostalo“ u Tabeli 2. obuhvata ostale prihode prikupljene na JR (prihodi od terminala, zakupnina, vanredni prihodi i sl.), te prihode koji ostaju neusklađeni nakon povezivanja uplata na JR sa podnesenim prijavama/deklaracijama u modulima IT sistema UIO.

Polazeći od godišnjih makroekonomskih projekcija, vodeći se principom opreznosti i imajući u vidu navedene jednokratne efekte prinudne naplate i snažne oscilacije mjesečne i kvartalne naplate bruto PDV-a u 2014.g., za koje Odjeljenje očekuje da će na godišnjem nivou biti neutralisani povratima, projekcija prihoda od indirektnih poreza za 2014. godinu iznosi 5.018,8 mil KM, što je za 2,7% više od ostvarenja u 2013. godini.

2015-2017

Projekcija prihoda u periodu od 2015. do 2017. godine zasnovana je na projekcijama pojedinih kategorija prihoda za 2014. godinu, projektovanim relevantnim makroekonomskim pokazateljima za navedeni period, te efektima planiranog kontinuiranog povećanja posebne akcize na cigarete u 2015. i 2016. godini.

Projektovane stope rasta prihoda iznose 1,6%, 2,5% i 2,5% u 2015, 2016 i 2017. godini, respektivno.


Prilog: Projekcije prihoda od akciza na duhan

Osnovni scenario projekcija prihoda od akciza na duhan podrazumijeva zadržavanje tekuće politike oporezivanja duhanskih prerađevina, propisane važećim Zakonom o akcizama u BiH. U slučaju nastavka primjene dosadašnje politike akciza na cigarete, koja podrazumijeva minimalno zakonsko povećanje posebne akcize od 0,15 KM/paklici godišnje, prema procjenama Odjeljenja zakonski minimum minimalne akcize od 126 KM / 1,000 cigareta na sve vrste cigareta biće dostignut 2016.godine. Povećavanje jaza između akciznog opterećenja cigareta i opterećenja rezanog duhana pojačaće pritisak na potrošnju rezanog duhana. Premda se potrošnja cigareta smatra neelastičnom kontinuirano povećavanje akciznog opterećenja cigareta, uz širenje jaza između oporezivanja cigareta i rezanog duhana kao supstituta, u prethodnim godinama dovela je do snažne migracije regularne potrošnje cigareta na brendirano (oporezovano) i nebrendirano (neoporezovano) tržište rezanog duhana. Pad prihoda od akciza na cigarete nije se mogao kompenzovati rastućom potražnjom za rezanim duhanom zbog niske stope oporezivanja duhana i visoke stope porezne evazije.

² 22,5 mil KM

Nakon nekoliko godina rasta vrijednost tržišta duhana je prvi put u 2013. godini pala za 5,8%, s tim da je regularno tržište cigareta smanjeno za 10%, a regularno tržište duhana povećano 3,5 puta u odnosu na 2012.g. U prethodnim godinama analize su ukazivale na visoku elastičnost potrošnje oporezovanih cigareta. Visoka elastičnost je, s jedne strane, rezultat stabilnog rasta maloprodajnih cijena, a s druge strane snažnog pada potrošnje cigareta od 20,5% u 2013. Uključivanjem potrošnje cigareta dobijenih iz brendiranog duhana i nebrendiranog duhana³ elastičnost ukupne potrošnje cigareta ponovo dostiže očekivani nivo između 0,4 i 0,5. Međutim, kako je stvarna potrošnja cigareta limitirana raspoloživim dohotkom potrošača elastičnost potencijalne potrošnje cigareta u 2013. u uslovima niske porezne evazije bi se kretala oko 0,9 (Grafikon 6).

Grafikon 6




Analiza elastičnosti ukazuje na činjenicu da bi dalje povećavanje akciznog opterećenja cigareta bez mjera akcizne politike, koje bi vodile destimulisanju potrošnje rezanog duhana, i opsežnih operativnih mjera na suzbijanju poreznih prevara moglo dovesti do nastavka kontrakcije potrošnje cigareta i gubitka očekivanih prihoda. Analize strukture potrošnje cigareta na bazi izdatih akciznih markica već tokom 2012. su pokazivale snažno raslojavanje potrošača podstaknuto razlikama u dohotku. U posljednje dvije godine zabilježeno je, na jednoj strani, značajno osipanje potrošača jeftinijih cigareta zbog prelaska na korištenje fino rezanog ili nebrendiranog duhana i, na drugoj strani, rastući trend potrošnje cigareta građana sa stabilnim dohocima bez obzira na rast maloprodajnih cijena brendova srednje i visoke klase cigareta (Grafikon 7).


Nakon snažnih turbulencija i migracije sa tržišta cigareta na tržište rezanog duhana u 2013. proces raslojavanja potrošača je u konačnici doveo do stabilne neelastičnosti potrošnje preostalog dijela potrošača cigareta srednje i visoke klase. Imajući tu činjenicu u vidu u narednim godinama migracija sa tržišta cigareta na tržište duhana trebala bi biti sve slabija, a time i porast supstitucije cigareta rezanim duhanom i migriranje preostalog dijela potrošača na crno tržište duhana, što, u cjelini, ne bi trebalo da značajnije negativno utiče na ukupnu vrijednost regularnog (oporezovanog) tržišta duhana u BiH u narednim godinama (Grafikon 8).

³ Vid. OMA bilten br. 104, mart 2014, www.oma.uino.gov.ba

Grafikon 7



Grafikon 8



Projekcije prihoda od akciza na duhan u periodu 2014-2016 se baziraju na pretpostavci da će kontinuirani rast akciza na cigarete dovesti do daljeg sužavanja tržišta cigareta po umjerenim stopama, uz usporeniji rast tržišta rezanog duhana. Rast akciznog opterećenja periodu 2014-2016, uz pretpostavke o umjerenom smanjenju vrijednosti tržišta cigareta i neelastične strukture preostale potrošnje cigareta, ipak bi trebao donijeti minimalni rast prihoda od akciza na duhan u visini od 1,3% u 2014., a u 2015 i 2016 opadajući rast po stopi od 0,7% i 0,3% respektivno. S obzirom na očekivanja da će se minimum od 126 KM akciznog opterećenja na 1,000 cigareta biti dostignut u 2016.g., ukoliko se minimum u međuvremenu ne uskladi sa standardima EU, od 2017.godine očekuje se slabi rast tržišta duhana u skladu sa projekcijama rasta potrošnje. Rast potrošnje, uz nepromijenjenu akciznu politiku trebao bi u 2017. donijeti stabilizaciju i minimalni rast prihoda od akciza u visini od 0,4%.

PROJEKCIJE PRIHODA OD INDIREKTNIH POREZA (2014-2017), APRIL 2014

OSNOVNI SCENARIO

Vrsta prihoda (neto)	u mil KM						stopa rasta			
	2013	2014	2015	2016	2017		2014	2015	2016	2017
PDV	3.102,9	3.199,7	3.259,2	3.354,0	3.451,9		3,1%	1,9%	2,9%	2,9%
Akcize	1.267,1	1.289,5	1.298,5	1.313,1	1.329,7		1,8%	0,7%	1,1%	1,3%
Carine	211,0	220,8	227,4	235,6	243,8		4,6%	3,0%	3,6%	3,5%
Putarina	285,3	290,6	295,5	302,7	310,9		1,9%	1,7%	2,4%	2,7%
Ostalo	19,9	18,1	18,3	18,5	18,6		-8,7%	0,9%	0,9%	0,9%
UKUPNO	4.886,2	5.018,8	5.098,8	5.223,8	5.354,9		2,7%	1,6%	2,5%	2,5%
Putarina (0,10 KM/l)	-114,0	-116,2	-118,2	-121,1	-124,4		1,9%	1,7%	2,4%	2,7%
SREDSTVA ZA RASPODJELU	4.772,2	4.902,5	4.980,6	5.102,7	5.230,6		2,7%	1,6%	2,5%	2,5%

Tabela 2.

RAZLIKE U ODNOSU NA PROJEKCIJE IZ NOVEMBRA 2013. GODINE


2013

Ostvarenje prihoda od indirektnih poreza za 2013. godinu iznosilo je 99,9% iznosa projektovanog u novembru 2013 (razlika -3,8 mil KM). Ostvarenje prihoda od PDV-a i putarine iznosilo je cca 100% projektovanog iznosa (odstupanje ostvarenih od projektovanih iznosa -0,8 i 0,3 mil KM respektivno), dok su nešto viša odstupanja evidentirana na prihodima od carina i akciza.

2014-2016

Projektovani iznosi prihoda za naredne godine su korigovani u skladu sa izmjenama u tekućim trendovima naplate i korekcijama projektovanih makroekonomskih indikatora izrađenih od strane Direkcije za ekonomsko planiranje. Na Grafikonu br 9. su isprekidanom linijom prikazane projekcije DEP-a iz novembra 2013, dok su projekcije iz marta 2014. godine prikazane punom linijom. Iz prikaza se može zaključiti da nije došlo do veće promjene stope rasta nominalnog BDP-a za 2014. godinu, ali su stope rasta njegovih komponenti značajnije revidirane. To se posebno odnosi na stopu rasta uvoza koja je revidirana naniže za preko 5 p.p. Od posebnog značaja za izradu projekcija prihoda od indirektnih poreza je i stopa rasta potrošnje, a njena privatna komponenta revidirana je naniže za 2 p.p. Projekcije stopa rasta makroekonomskih pokazatelja za 2015. i 2016. godinu takođe su najviše revidirane na uvozu (-5,1 i -7,5 p.p. respektivno).

Grafikon 9



Iako je projekcija prihoda za 2014. godinu korigovana za svega +1 mil KM unutar strukture projektovanih prihoda došlo je do prekompozicije, uglavnom između PDV i prihoda od akciza na duhan. Projekcije za naredne dvije godine su značajnije revidirane (Tabela 3). Objašnjenje korekcija po vrstama prihoda dato je u nastavku.

Tabela 3. Razlika projekcija iz aprila 2014. u odnosu na projekcije iz novembra 2013.g.

Vrsta prihoda (neto)	u mil KM		
	2014	2015	2016
PDV	14,4	-47,7	-105,2
Akcize	-13,3	-17,8	-20,7
Carine	2,0	-6,8	-22,0
Putarina	-2,2	-5,5	-8,9
Ostalo	0,2	0,4	0,5
UKUPNO	1,0	-77,5	-156,1
Putarina (0,10 KM/l)	0,9	2,2	3,5
SREDSTVA ZA RASPODJELU	1,9	-75,2	-152,6

PDV

U projekcijama iz novembra 2013. godine je navedeno da projektovana stopa rasta PDV-a za 2014. ne doseže projektovani rast potrošnje zbog zasnivanja na principu opreznosti, te tadašnjih nepovoljnih trendova naplate prihoda. Uprkos DEP-ovoj korekciji projektovane stope rasta potrošnje naniže, projektovani prihodi od PDV-a korigovani su naviše za 2014. godinu (14,4 mil KM ili 0,45% projektovanog iznosa u novembru) zbog njihovog snažanog trenda rasta u prvom kvartalu. To se posebno odnosi na prihode od PDV-a na uvoz koji su rasli iznad stope rasta uvoza, kao i na efekte naplate dugova iz prethodnih perioda. Projekcije PDV-a za 2015. i 2016. godinu značajno su korigovane naniže zbog korekcija projektovanih makroekonomskih indikatora od strane DEP-a za navedeni period, prije svega potrošnje i uvoza (Grafikon 9). Projekcija rasta PDV-a za 2015. godinu je ponovo ispod stope rasta potrošnje uglavnom zbog statističkog efekta prinudne naplate koje je uvećao osnovicu za poređenje (2014. godina).

Akcize

Projekcije prihoda za 2014. godinu revidirane su na akcizama za -13,3 mil KM (-1% projektovanog iznosa u novembru). Najveći dio ovog iznosa odnosi se na korekciju prihoda od akciza na duhan, zbog većeg pada naplate u 2013. u odnosu na očekivanu, uzrokovanog dramatičnim padom potrošnje oporezovanih cigareta, o čemu je detaljnije obrazloženo u dijelu koji se odnosi na duhan. I u naredne dvije godine izvršena je korekcija projekcija prihoda od akciza (-17,8 mil KM u 2015. i -20,7 mil KM u 2016. godini), ali su osim duhana nešto više korigovane i druge kategorije akciza.

Carine

Carine za 2014. godinu su blago revidirane naviše (+2 mil KM ili 0,9% projektovanog iznosa u novembru). U osnovnom scenariju projekcija prihoda iz novembra 2013. godine navedeno je da je zbog visokog stepena neizvjesnosti kretanja uvoza roba projeklom iz Hrvatske projekcija prihoda od carina krajnje konzervativna i oslanja se u cijelosti na tekuća kretanja uvoza u trećem kvartalu 2013. Takođe je navedeno da bi se u slučaju konsolidacije uvoza roba iz Hrvatske moglo očekivati dodatnih prihoda od carina u periodu 2014-2016. U dijelu koji se odnosi na carine projekcija iz aprila 2014. godine obrazloženo je da su zabilježeni pozitivni trendovi kod ovih prihoda zbog efekata izmjena carinskog režima nakon ulaska Hrvatske u EU, te zbog rasta uvoza iz trećih zemalja i pomjeranje sheme uvoza nafte (Rusija) u odnosu na shemu uvoza Rafinerije u 2013.g.

Sve to objašnjava korekciju projekcija naviše uprkos smanjenju očekivane stope rasta uvoza. Projekcija za 2015. i 2016. godinu revidirana je naniže (-6,8 mil KM i -22 mil KM) zbog velike razlike u projektovanim stopama rasta uvoza, kako je prikazano u Grafikonu 9 (korekcija stope rasta od čak -7,5 p.p. za 2016. godinu).

RIZICI PO PROJEKCIJE

S obzirom na osnovne postavke projekcija indirektnih poreza i ukupne ekonomske uslove u BiH i u svijetu ostvarenje projektovanog nivoa prihoda od indirektnih poreza u periodu 2014-2017 je podložno sljedećim rizicima:

- (i) Projekcije prihoda od indirektnih poreza usko su vezane za projekcije makroekonomskih pokazatelja DEP-a. Svako odstupanje ovih parametara od projektovanih vrijednosti predstavlja rizik za projekcije prihoda;
- (ii) Slabiji ekonomski oporavak glavnih izvoznih partnera BiH (EU, zemlje CEFTA) povećava nivo rizika za ostvarenje makroekonomskih projekcija, a time i projekcija prihoda od indirektnih poreza u cjelini;
- (iii) Kontinuirano povećanje stope posebne akcize na cigarete u cilju dostizanja minimalnih standarda EU postaje kontraproduktivno bez efikasnih političkih i operativnih mjera usmjerenih na zatvaranje jaza u poreznom opterećenju cigareta i rezanog duhana i suzbijanje porezne evazije, nelegalnog uvoza duhana i nelegalne proizvodnje cigareta. Slične distorzije prihoda i tržišta u narednim godinama može izazvati i najavljeno uvođenje diferencirane akcize na pivo;
- (iv) Eventualne izmjene politika u području indirektnih poreza, npr. u smislu diferenciranih stopa PDV-a i akciza, pored fiskalnih gubitaka i makroekonomskih implikacija u smislu distorzija na tržištu, mogu destabilizovati postojeći sistem PDV-a i naplatu prihoda, umanjiti efikasnost rada UIO, opteretiti poslovne subjekte i značajno povećati rizik od prevara.

PROGRAMSKI SCENARIO

Programski scenario prihoda od indirektnih poreza uključuje:

- procjene efekata uvođenja diferencirane stope akcize na pivo.
- procjene efekata nove akcizne politike oporezivanja duhana.

Projekcije prihoda prema ovom scenariju predstavljene su u Tabeli 4.

Efekti uvođenja diferencirane stope akcize na pivo

Upravni odbor UIO je u martu 2013. podržao inicijativu za uvođenje diferencirane stope akcize na pivo. Prema prijedlogu UO UIO pored postojeće akcize u iznosu od 0,20 KM/l predožena je viša stopa akcize u visini od 0,25 KM za obveznike čija godišnja proizvodnja premašuje 400,000 hl. Napominjemo da je zbog uloženi amandmana u Parlamentu BiH⁴ i stavova Evropske komisije usvajanje izmjena Zakona još uvijek neizvjesno. Potrebno je naglasiti da uvođenje diferenciranih

⁴ Uloženi su različiti amandmani, od prijedloga za uvođenje diferenciranih akciza za ostale proizvode iz grupacije alkoholnih i bezalkoholnih pića, do skale stopa akciza na pivo. Procedura usvajanja propisa iz područje indirektnih poreza zahtijeva prethodnu saglasnost UO UIO i o predloženim amandmanima.

stopa poreza na potrošnju uvijek predstavlja poticaj za veću potrošnju manje oporezovanih dobara i porast poreznih prevara u smislu šverca, krijumčarenja ili drugih prevara kod potrošnje više oporezovanih dobara. Prema podacima o postojećim kapacitetima pivara u BiH moguće je očekivati situaciju da će samo domaće pivare u BiH zadovoljiti zadane kriterije za primjenu niže stope od 0,20 KM/l, dok će većina uvoza biti oporezovana po višoj stopi. Polazeći od te pretpostavke uvođenje diferencirane akcize na pivo može biti poticaj na supstituciju potrošnje uvoznog piva domaćim brendovima Odjeljenje je izradilo nekoliko scenarija za projekcije prihoda od akciza na pivo u 2014 i narednim godinama, ovisno o procentu supstitucije potrošnje uvoznog, više oporezovanog piva, potrošnjom domaćeg, manje oporezovanog piva. Međutim, efekat supstitucije na visinu prihoda od akciza ne može biti značajan, jer se udio domaćeg piva u strukturi ukupne potrošnje posljednjih godina kreće od 35 do 37%, sa tendencijom pada, što predstavlja mali ponder u smislu uticaja na ukupno naplaćene prihode od akciza.

S obzirom da se, u najboljem slučaju, usvajanje izmjena Zakona o akcizama vezano za diferencirano oporezivanje piva može očekivati u drugoj polovini 2014.g. očekivani efekti uvođenja diferenciranih stopa akcize se, prema programskom scenariju, rasprostiru u dvije godine, tj. u drugom polugodištu 2014. i u prvom polugodištu 2015. Prema konzervativnom scenariju, koji predviđa preraspodjelu potrošnje piva na način da se potrošnja uvoznog piva smanji za 10% godišnje, a potrošnja domaćeg piva poveća za 10% godišnje, u 2014. se može očekivati dodatnih 5,8 mil KM prihoda od akciza na pivo, a u 2015. 5,6 mil KM. Naplata u narednim godinama ovisi o projektovanom rastu potrošnje (DEP).

Efekti nove politike oporezivanja duhana

Programski scenario prihoda od akciza na duhan podrazumijeva primjenu izmjena Zakona o akcizama, od 1.7.2014. Prema prijedlogu UO UIO nova akcizna politika podrazumijeva nastavak usklađivanja akciznog opterećenja cigareta sa novom minimalnom akcizom EU koja je na snazi u članicama Unije od 1.1.2014. Predviđen je isti tempo usklađivanja specifične akcize kao i prema važećim odredbama, odnosno minimalno 0,15 KM godišnje, s tim da je novi minimum akciznog opterećenja povećan na 176 KM za 1,000 cigareta. Minimalna akciza na cigarete se utvrđuje u visini od minimalno 60% prosječne ponderirane cijene cigareta. Izmjene Zakona obuhvataju i usklađivanje akciza na rezani duhan, i to inicijalno uvođenje specifične akcize u 2014.godini u visini od 78 KM/kg, dok u narednim godinama usklađivanje treba da prati rast akciznog opterećenja cigareta.

Izmjene akcizne politike kod oporezivanja duhana, koje podrazumijevaju paralelno odvijanje dva dinamička, međusobno povezana procesa - usklađivanje akciza cigareta sa minimalnim standardima EU i usklađivanje akciza na duhan sa rastom akciza na cigarete, uveliko otežavaju procjenu efekata nove akcizne politike na potrošnju i prihode od akciza na duhan, pogotovo u uslovima ispoljenih snažnih turbulencija na tržištu duhana i porezne evazije na tržištu cigareta u protekle tri godine. Prema statičkim procjenama Odjeljenja⁵ eliminacija porezne evazije na tržištu duhana bi u datim okvirima potrošnje, koje su određene raspoloživim dohotkom potrošača za potrošnju duhana, mogla donijeti inicijalne efekte od dodatnih 56 mil KM akciza i PDV-a godišnje.

Programski scenario prihoda od akciza na duhan polazi od sljedećih pretpostavki vezane za politiku akciza u periodu 2015-2017:

- Primjena nove akcizne politike od 1.7.2014.;
- Minimalno godišnje povećanje specifične akcize iznosi 0,15 KM/paklici;

⁵ Vid. OMA bilten br. 104, mart 2014, www.oma.uino.gov.ba

- Minimalna akciza na cigarete za tekuću godinu (G_t) iznosi 60% prosječne ponderirane maloprodajne cijene cigareta izračunate na bazi akciznih markica izdatih u drugoj polovini godine G_{t-2} i prve polovine godine G_{t-1} ;
- Minimalna akciza na duhan iznosi 80% minimalne akcize na cigarete.

Simulacije Odjeljenja pokazuju da je izvjesno da će omjer cijene paklice cigareta dobijene motanjem od rezanog duhana prema cijeni najjeftinijih cigareta, i pored očekivanog nominalnog rasta akciza na rezani duhan, od planiranih 80%⁶ u 2014. pasti na 71%, sa tendencijom pada u narednim godinama. Takav trend je posljedica vremenskog jaza između kreiranja izmjena Zakona i njihovog usvajanja⁷, kao i predložene metodologije izračuna ponderirane maloprodajne cijene cigareta koja se zasniva na korištenju seta podataka o izdatim markicama iz dvije prethodne fiskalne godine. Navedeni faktori mogu umanjiti očekivanja da će zbog nove akcizne politike većina potrošača koji koriste najjeftinije cigarete izgubiti poticaj za korištenje rezanog duhana.

Programski scenario prihoda od akciza temelji se na pretpostavci da snažnije oporezivanje cigareta, zbog neelastične preostale potrošnje skupljih brendova i stabilnih dohodaka njihovih konzumenata, neće dovesti do značajnijeg smanjenja vrijednosti tržišta cigareta kao što je bilo u 2013. Međutim, struktura vrijednosti tržišta će se zbog rasta akciza promijeniti u korist prihoda od akciza, uz dalje smanjenje cijene prije oporezivanja i, posljedično, dobiti/marže duhanske industrije. Pod pretpostavkom da će duhanska industrija dodatni porezni teret u cijelosti prevaljivati na kupce očekuje se smanjenje potrošnje cigareta od 10% godišnje, jer je izvjesno da će ipak manji dio potrošača sa tržišta cigareta migrirati na tržište rezanog duhana, dok će dio dosadašnjih korisnika rezanog duhana zbog rasta akciza na rezani duhan migrirati na crno tržište. Polazeći od navedenih pretpostavki, i uz očekivanja da će, pored mjera nove akcizne politike, biti preduzete i oštre mjere na sprječavanju utaja poreza i nelegalne proizvodnje i prometa duhana za pušenje i cigareta Odjeljenje očekuje rast prihoda od akciza za 2014., 2015., 2016. i 2017.g. po stopi od 3,1%, 2,7%, 0,6% i 0,1% respektivno.

⁶ Procjena je izvršena u trećem kvartalu 2013. prije novog povećanja akcize na cigarete.

⁷ Izmjene Zakona su kreirane u toku 2013. polazeći od razlike u akciznom opterećenju cigareta i duhana u toj godini. U međuvremenu je od 1.1.2014. povećano akcizno opterećenje cigareta uz zadržavanje iste politike akciza na rezani duhan.

PROJEKCIJE PRIHODA OD INDIREKTNIH POREZA (2014-2017), APRIL 2014

PROGRAMSKI SCENARIO

Vrsta prihoda (neto)	u mil KM						stopa rasta			
	2013	2014	2015	2016	2017		2014	2015	2016	2017
PDV	3.102,9	3.203,0	3.265,0	3.360,1	3.457,8		3,2%	1,9%	2,9%	2,9%
Akcize	1.267,1	1.308,6	1.332,5	1.349,4	1.364,7		3,3%	1,8%	1,3%	1,1%
Carine	211,0	220,8	227,4	235,6	243,8		4,6%	3,0%	3,6%	3,5%
Putarina	285,3	290,6	295,5	302,7	310,9		1,9%	1,7%	2,4%	2,7%
Ostalo	19,9	18,1	18,3	18,5	18,6		-8,7%	0,9%	0,9%	0,9%
UKUPNO	4.886,2	5.041,0	5.138,7	5.266,3	5.395,8		3,2%	1,9%	2,5%	2,5%
Putarina (0,10 KM/l)	-114,0	-116,2	-118,2	-121,1	-124,4		1,9%	1,7%	2,4%	2,7%
SREDSTVA ZA RASPODJELU	4.772,2	4.924,8	5.020,5	5.145,2	5.271,5		3,2%	1,9%	2,5%	2,5%

Tabela 4.

Konsolidovani izvještaji

(pripremila: Aleksandra Regoje)

Tabele 1 i 3 (Konsolidovani izvještaj: JR, Institucije BiH, entiteti)

Konsolidovani izvještaj uključuje:

- prihode od indirektnih poreza koje prikuplja Uprava za indirektno oporezivanje na Jedinstveni račun,
- transfere sa Jedinstvenog računa UIO,
- prihode i rashode budžeta institucija Bosne i Hercegovine,
- prihode i rashode budžeta Federacije BiH,
- prihode i rashode budžeta Republike Srpske*

Izvještaj ne uključuje neusklađene prihode prikupljene na JR UIO.

Tabele 2 i 4 (Konsolidovani izvještaji: BiH institucije, entiteti i BD)

Konsolidovani izvještaj uključuje:

- prihode i rashode budžeta institucija BiH,
- prihode i rashode budžeta FBiH,
- prihode i rashode budžeta RS*,
- prihode i rashode budžeta BD.

Tabela 5 (Konsolidovani izvještaj: Centralna vlada)

Konsolidovani izvještaj uključuje:

- prihode i rashode budžeta institucija BiH,
- prihode i rashode budžeta FBiH i kantona,
- prihode i rashode budžeta RS*,
- prihode i rashode budžeta BD.

Tabela 6 (Konsolidovani izvještaj: Opća vlada)

Konsolidovani izvještaj uključuje:

- prihode i rashode budžeta institucija BiH,
- prihode i rashode budžeta FBiH, kantona, općina i fondova u FBiH,
- prihode i rashode budžeta RS*, općina i fondova u RS,
- prihode i rashode budžeta BD i fondova u BD.

**Obuhvaćeno: (A) budžet Republike i vanbudžetska sredstva evidentirana u Glavnoj knjizi trezora RS, (B) ukupno ino-zaduženje za projekte koji se realizuju preko općina i preduzeća, (C) podatke korisnika budžeta Republike koji imaju vlastite bankovne račune (uključujući i neke jedinice za implementaciju ino-projekata formirane pri ministarstvima).*

Preliminarni izvještaj: BiH Institucije, entiteti i JR , I-III 2014 (novi format)

<i>(u mil KM)</i>	I	II	III	Ukupno
Ukupni prihodi	441,3	457,7	510,7	1.409,7
Porezi	414,6	411,3	426,0	1.251,8
Direktni porezi	23,5	27,5	56,6	107,5
Porezi na dohodak i dobit	22,8	26,7	55,6	105,0
Porez na imovinu	0,7	0,8	1,0	2,5
Indirektni porezi (neto)	391,0	383,8	369,2	1.144,0
PDV	245,3	257,5	240,3	743,2
Akcize	109,5	86,3	86,6	282,4
Putarina	22,2	20,6	20,2	63,0
Carine	12,8	18,3	20,7	51,8
Ostali indirektni porezi	1,1	1,1	1,4	3,6
Ostali porezi	0,1	0,1	0,2	0,3
Doprinosi za socijalno osiguranje	0,0	0,0	0,0	0,0
Grantovi	1,7	0,4	7,9	10,0
Grantovi od stranih vlada i međunarodnih organizacija	1,7	0,4	7,8	9,9
Transferi	0,0	0,0	0,1	0,1
Neporezni prihodi	25,0	46,0	76,8	147,8
Ukupni rashodi	416,4	449,2	417,5	1.283,0
Tekući rashodi	414,4	435,5	412,9	1.262,8
Bruto plaće i naknade zaposlenih	124,7	126,6	130,0	381,2
Izdaci za materijal i usluge	12,9	30,8	29,7	73,4
Doznake na ime socijalne zaštite	52,5	54,1	65,3	172,0
Izdaci za kamate	5,9	10,4	17,3	33,6
Izdaci po osnovu kamata u inostranstvu	2,4	8,0	10,1	20,5
Izdaci po osnovu kamata u zemlji	3,4	2,5	7,2	13,1
Subvencije	2,1	6,5	5,1	13,7
Donacije, transferi (uključujući transfere sa JR**)	211,1	200,7	160,0	571,7
Drugi rashodi	5,2	6,5	5,6	17,2
Neto izdaci za nefinansijsku imovinu	2,0	13,6	4,6	20,3
Izdaci za nefinansijsku imovinu	2,2	14,2	5,0	21,4
Primici od nefinansijske imovine	0,2	0,6	0,4	1,1
Bruto/Neto operativni bilans (prihodi minus tekući rashodi)	26,9	22,2	97,8	146,9
Neto pozajmljivanje/zaduživanje (ukupni prihodi minus ukupni rashodi)	24,9	8,5	93,2	126,6
Neto finansiranje = (Minus) Neto pozajmljivanje/zaduživanje	-24,9	-8,5	-93,2	-126,6

** transferi sa JR uključuju nekonsolidovane transfere BD, kantonima, općinama, fondovima i direkcijama za ceste

Tabela 1

Preliminarni izvještaj: BiH institucije, entiteti i BD, I-III 2014 (novi format)

<i>(u mil KM)</i>	Q1
Ukupni prihodi	1.004,3
Porezi	842,2
Direktni porezi	113,3
Porezi na dohodak i dobit	108,8
Porezi na plaću i radnu snagu	1,6
Porez na imovinu	2,9
Indirektni porezi	728,1
Ostali porezi	0,7
Doprinosi za socijalno osiguranje	0,0
Grantovi	10,5
Grantovi od stranih vlada i međunarodnih institucija	9,9
Transferi	0,6
Neporezni prihodi	151,6
Ukupni rashodi	879,3
Tekući rashodi	855,3
Bruto plaće i naknade zaposlenih	397,7
Izdaci za materijal i usluge	77,9
Doznake na ime socijalne zaštite	179,4
Izdaci za kamate	33,7
Izdaci po osnovu kamata u inostranstvu	20,5
Izdaci po osnovu kamata u zemlji	13,2
Subvencije	16,0
Donacije, transferi	133,6
Drugi rashodi	17,2
Neto izdaci za nefinansijsku imovinu	24,0
Izdaci za nefinansijsku imovinu	25,1
Primici od nefinansijske imovine	1,1
Bruto/Neto operativni bilans (prihodi minus tekući rashodi)	148,9
Neto pozajmljivanje/zaduživanje (ukupni prihodi minus ukupni rashodi)	125,0
Neto finansiranje = (Minus) Neto pozajmljivanje/zaduživanje	-125,0

Tabela 2

Konačan izvještaj: BiH Institucije, entiteti i JR , I-XII 2013

<i>(u mil KM)</i>	I	II	III	IV	V	VI	VII	VIII	IX	X	XI	XII	Ukupno
Ukupni prihodi	434,7	382,4	446,3	489,5	554,8	560,5	550,8	493,0	490,4	531,9	479,2	544,7	5.958,0
Porezi	409,4	348,7	402,9	424,1	477,1	478,0	473,9	455,1	460,4	468,5	440,9	446,3	5.285,2
Direktni porezi	22,7	29,7	53,5	45,4	27,0	31,6	39,1	27,3	27,8	28,8	28,5	38,6	399,8
Porezi na dohodak i dobit	22,0	29,0	52,5	44,3	26,0	30,7	37,9	26,2	26,8	27,7	27,6	37,5	388,2
Porez na imovinu	0,7	0,8	0,9	1,1	1,0	0,9	1,2	1,1	0,9	1,1	0,9	1,1	11,6
Indirektni porezi (neto)	386,7	318,9	349,4	378,3	450,1	445,9	434,5	427,6	432,6	439,6	412,0	407,4	4.883,0
PDV	240,7	210,2	227,6	243,4	274,7	254,2	291,5	269,6	280,0	289,2	260,0	261,8	3.102,9
Akcize	112,0	76,4	82,4	93,0	129,9	150,3	99,2	111,2	103,7	103,1	106,2	99,8	1.267,1
Putarina	20,3	16,8	18,9	22,5	26,6	23,9	25,6	28,2	27,8	24,9	25,8	24,2	285,3
Carine	12,6	14,5	18,9	18,2	17,4	16,2	16,8	17,3	19,7	20,7	18,7	20,1	211,0
Ostali indirektni porezi	1,0	1,0	1,7	1,3	1,5	1,3	1,5	1,3	1,4	1,7	1,3	1,5	16,6
Ostali porezi	0,1	0,0	0,1	0,4	0,0	0,5	0,3	0,2	0,0	0,1	0,4	0,3	2,5
Doprinosi za socijalno osiguranje	0,0	0,0	0,0	0,0	0,0	0,0	0,0	0,0	0,0	0,0	0,0	0,0	0,0
Grantovi od stranih vlada i međunarodnih org.	1,4	0,7	1,8	2,4	0,9	2,9	3,5	0,7	0,2	0,7	10,1	16,7	42,0
Neporezni prihodi	23,9	33,0	40,2	64,3	76,6	79,4	73,2	37,1	29,8	61,8	27,7	81,5	628,5
Transferi	0,0	0,0	1,4	-1,4	0,2	0,2	0,2	0,0	-0,1	1,0	0,5	0,1	2,2

(u mil KM)	I	II	III	IV	V	VI	VII	VIII	IX	X	XI	XII	Ukupno
Ukupni rashodi	411,9	400,9	410,4	416,0	459,3	478,6	532,1	492,2	462,5	498,9	464,7	731,2	5.758,6
Tekući rashodi	407,5	397,9	402,9	411,1	455,9	469,1	515,3	485,2	452,6	481,1	453,5	695,6	5.627,8
Bruto plaće i naknade zaposlenih	123,1	124,7	126,9	124,2	125,0	128,9	130,5	124,4	128,3	127,3	129,2	136,5	1.528,9
Izdaci za materijal i usluge	14,6	24,1	28,3	24,7	24,6	37,9	26,2	29,2	31,6	28,8	29,0	103,8	402,9
Doznake na ime socijalne zaštite	52,6	54,4	53,4	53,3	51,7	57,4	55,3	55,3	59,3	63,1	58,3	82,0	696,0
Izdaci za kamate	4,2	7,1	18,9	8,7	13,7	23,1	5,4	9,9	15,0	10,8	15,4	16,5	148,7
Izdaci po osnovu kamata u inostranstvu	2,3	5,6	10,1	6,0	6,3	14,1	3,1	5,4	7,9	5,8	9,7	12,8	89,1
Izdaci po osnovu kamata u zemlji	2,0	1,6	8,8	2,7	7,5	9,0	2,3	4,4	7,1	5,0	5,6	3,7	59,6
Subvencije	2,2	2,4	6,0	3,8	8,3	19,3	19,2	24,5	20,6	15,2	18,9	98,7	239,1
Donacije	0,0	0,0	0,0	0,0	0,0	0,0	0,0	0,0	0,0	0,0	0,0	0,1	0,1
Transferi	40,3	42,2	41,5	37,8	42,4	49,7	60,1	48,3	48,6	46,4	44,7	107,7	609,8
Transf.sa JR (BD, kant, opć, fondovi, dir.za c.)	165,4	134,5	119,1	153,2	184,6	144,8	197,2	187,9	142,5	182,7	149,4	115,1	1.876,2
Drugi rashodi	5,1	8,6	8,9	5,4	5,6	8,0	21,4	5,8	6,6	6,9	8,7	35,2	126,1
Neto izdaci za nefinansijsku imovinu	4,4	3,0	7,5	4,9	3,4	9,5	16,8	7,0	9,8	17,8	11,2	35,6	130,8
Izdaci za nefinansijsku imovinu	4,6	3,3	8,2	5,6	3,9	10,1	17,4	7,2	10,8	18,4	11,8	37,7	138,9
Primici od nefinansijske imovine	0,2	0,2	0,7	0,8	0,5	0,6	0,5	0,2	0,9	0,7	0,7	2,1	8,1
Bruto/Neto operativni bilans (prihodi minus tekući rashodi)	27,1	-15,5	43,3	78,4	98,9	91,4	35,5	7,8	37,8	50,8	25,7	-151,0	330,3
Neto pozajmljivanje/zaduživanje (uk. prihodi minus uk. rashodi)	22,8	-18,5	35,9	73,5	95,5	81,9	18,7	0,8	27,9	33,1	14,6	-186,5	199,5
Neto finansiranje = (Minus) Neto pozajmljivanje/zaduživanje	-22,8	18,5	-35,9	-73,5	-95,5	-81,9	-18,7	-0,8	-27,9	-33,1	-14,6	186,5	-199,5

Tabela 3

Konačan izvještaj: BiH institucije, entiteti i BD, I-XII 2013

<i>(u mil KM)</i>	Q1	Q2	Q3	Q4	Ukupno
Ukupni prihodi	881,6	1.173,1	1.071,9	1.164,7	4.291,1
Porezi	773,7	940,1	916,8	959,9	3.590,5
Direktni porezi	111,9	110,1	99,4	101,4	422,7
Porezi na dohodak i dobit	107,4	104,5	94,0	95,5	401,4
Porezi na plaću i radnu snagu	1,9	2,1	1,9	2,5	8,4
Porez na imovinu	2,5	3,5	3,5	3,4	12,9
Indirektni porezi	661,5	828,9	816,7	857,3	3.164,4
Ostali porezi	0,4	1,2	0,7	1,2	3,4
Doprinosi za socijalno osiguranje	0,0	0,0	0,0	0,0	0,0
Grantovi od stranih vlada i međunarodnih organizacija	3,9	6,1	4,5	27,5	42,0
Neporezni prihodi	101,5	227,2	150,6	176,1	655,3
Transferi	2,6	-0,4	-0,1	1,1	3,2
Ukupni rashodi	837,5	921,5	1.022,0	1.316,6	4.097,5
Tekući rashodi	822,6	899,9	979,5	1.242,2	3.944,3
Bruto plaće i naknade zaposlenih	395,5	398,5	400,4	409,3	1.603,7
Izdaci za materijal i usluge	71,7	94,4	107,1	174,7	447,9
Doznake na ime socijalne zaštite	165,9	171,3	176,4	219,1	732,6
Izdaci za kamate	30,3	45,7	30,4	42,8	149,1
Izdaci po osnovu kamata u inostranstvu	17,9	26,4	16,5	28,3	89,1
Izdaci po osnovu kamata u zemlji	12,4	19,3	13,9	14,4	60,0
Subvencije	12,3	33,1	68,8	137,7	252,0
Donacije	0,2	4,4	3,1	3,7	11,4
Transferi	124,0	133,8	159,4	201,3	618,5
Drugi rashodi	22,6	18,9	33,9	53,8	129,1
Neto izdaci za nefinansijsku imovinu	14,9	21,6	42,5	74,3	153,2
Izdaci za nefinansijsku imovinu	16,1	23,4	44,1	77,7	161,3
Primici od nefinansijske imovine	1,2	1,8	1,6	3,4	8,1
Bruto/Neto operativni bilans (prihodi minus tekući rashodi)	59,0	273,1	92,3	-77,6	346,9
Neto pozajmljivanje/zaduživanje (uk. prihodi minus uk. rashodi)	44,1	251,6	49,8	-151,9	193,7
Neto finansiranje = (Minus) Neto pozajmljivanje/zaduživanje	-44,1	-251,6	-49,8	151,9	-193,7

Tabela 4

Konačan izvještaj: Centralna vlada, I-XII 2013

(u mil KM)	Q1	Q2	Q3	Q4	Ukupno
Ukupni prihodi	1.261,4	1.592,5	1.519,5	1.580,1	5.953,6
Porezi	1.105,3	1.315,7	1.315,1	1.324,2	5.060,3
Direktni porezi	187,9	192,1	175,9	184,8	740,8
Porezi na dohodak i dobit	177,9	182,7	167,0	174,9	702,5
Porezi na plaću i radnu snagu	3,5	3,4	3,4	4,3	14,6
Porez na imovinu	6,6	6,0	5,5	5,6	23,7
Indirektni porezi	916,7	1.121,8	1.137,6	1.133,6	4.309,8
Ostali porezi	0,7	1,8	1,6	5,8	9,8
Doprinosi za socijalno osiguranje	0,0	0,0	0,0	0,0	0,0
Grantovi od stranih vlada i međunarodnih organizacija	5,0	6,6	4,5	28,2	44,3
Neporezni prihodi	147,9	270,3	199,2	226,1	843,5
Transferi	3,2	-0,1	0,8	1,6	5,5
Ukupni rashodi	1.230,5	1.370,5	1.452,3	1.853,2	5.906,6
Tekući rashodi	1.213,2	1.343,8	1.403,9	1.764,2	5.725,0
Bruto plaće i naknade zaposlenih	667,7	679,0	674,9	697,8	2.719,5
Izdaci za materijal i usluge	106,0	138,3	143,9	245,2	633,3
Doznake na ime socijalne zaštite	208,9	222,8	225,4	282,5	939,6
Izdaci za kamate	31,8	46,7	31,9	43,5	153,9
Izdaci po osnovu kamata u inostranstvu	18,4	26,8	17,1	28,8	91,1
Izdaci po osnovu kamata u zemlji	13,4	19,9	14,8	14,7	62,8
Subvencije	21,6	49,8	82,0	164,7	318,2
Donacije	0,2	4,4	3,1	3,7	11,4
Transferi	132,5	143,9	173,4	219,7	669,6
Drugi rashodi	44,5	58,8	69,2	107,1	279,6
Neto izdaci za nefinansijsku imovinu	17,4	26,8	48,5	89,0	181,6
Izdaci za nefinansijsku imovinu	18,6	28,9	53,4	93,5	194,4
Primici od nefinansijske imovine	1,2	2,1	4,9	4,6	12,8
Bruto/Neto operativni bilans (prihodi minus tekući rashodi)	48,3	248,8	115,6	-184,1	228,6
Neto pozajmljivanje/zaduživanje (uk. prihodi minus uk. rashodi)	30,9	222,0	67,2	-273,1	47,0
Neto finansiranje = (Minus) Neto pozajmljivanje/zaduživanje	-30,9	-222,0	-67,2	273,1	-47,0

Tabela 5

Preliminarni izvještaj: Opća vlada, I-XII 2013

(u mil KM)	Q1	Q2	Q3	Q4	Ukupno
Ukupni prihodi	2.445,9	2.893,7	2.831,9	2.967,4	11.138,9
Porezi	1.247,7	1.476,9	1.477,5	1.489,8	5.691,9
Direktni porezi	235,9	242,2	227,8	240,2	946,0
Porezi na dohodak i dobit	205,9	211,1	200,5	206,7	824,1
Porezi na plaću i radnu snagu	3,9	3,9	3,9	4,9	16,7
Porez na imovinu	26,1	27,1	23,4	28,6	105,2
Indirektni porezi	1.010,8	1.232,6	1.247,6	1.242,5	4.733,5
Ostali porezi	1,0	2,2	2,1	7,1	12,4
Doprinosi za socijalno osiguranje	930,6	1.011,1	1.035,8	1.098,6	4.076,1
Grantovi od stranih vlada i međunarodnih organizacija	6,3	10,0	6,1	30,7	53,2
Neporezni prihodi	258,3	393,6	311,3	338,9	1.302,2
Transferi	2,8	2,0	1,3	9,4	15,6
Ukupni rashodi	2.470,9	2.709,7	2.762,0	3.232,6	11.175,2
Tekući rashodi	2.431,8	2.648,3	2.665,2	3.085,9	10.831,1
Bruto plaće i naknade zaposlenih	785,8	804,6	793,4	833,4	3.217,2
Izdaci za materijal i usluge	443,9	492,8	477,8	624,2	2.038,7
Doznake na ime socijalne zaštite	1.053,2	1.088,7	1.086,3	1.167,3	4.395,6
Izdaci za kamate	37,5	54,3	43,2	54,5	189,4
Izdaci po osnovu kamata u inostranstvu	19,1	27,2	17,6	29,9	93,8
Izdaci po osnovu kamata u zemlji	18,4	27,1	25,5	24,7	95,6
Subvencije	32,3	61,0	95,5	182,8	371,6
Donacije	0,9	5,2	4,0	4,9	14,9
Transferi	7,6	48,1	68,4	65,4	189,5
Drugi rashodi	70,5	93,6	96,8	153,3	414,2
Neto izdaci za nefinansijsku imovinu	39,2	61,4	96,8	146,8	344,1
Izdaci za nefinansijsku imovinu	44,7	67,8	106,7	159,3	378,4
Primici od nefinansijske imovine	5,5	6,4	9,9	12,5	34,3
Bruto/Neto operativni bilans (prihodi minus tekući rashodi)	14,1	245,5	166,7	-118,5	307,8
Neto pozajmljivanje/zaduživanje (uk. prih. minus uk. rashodi)	-25,0	184,1	69,9	-265,3	-36,3
Neto finansiranje = (Minus) Neto pozajmljivanje/zaduživanje	25,0	-184,1	-69,9	265,3	36,3

Tabela 6